

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127-0-Su-24-000353
Datum, 10.06.2024. godine.**

**INFORMACIJA O RADU OPĆINSKOG SUDA
U BANOVIĆIMA ZA 2023. GODINU**

BANOVIĆI , Juni 2024. godine

Na osnovu elemenata i pokazatelja iskazanih u ovoj informaciji kroz prikaz stanja, organizacije i kadrovske osposobljenosti suda, riješenih i neriješenih predmeta, priliva i strukture predmeta, kvaliteta rada, može se sagledati rad Općinskog suda u Banovićima u 2023 godini.

I. ORGANIZACIJA I KADROVSKA OSPOSOBLJENOST SUDA

Općinski sud u Banovićima Pravilnikom o unutrašnjoj organizaciji i sistematizaciji radnih mjesta ima sistematizovano 7 pozicija nosilaca pravosudnih funkcija, od toga 6 redovnih sudija (uključujući i predsjednika suda) i jedan stručni saradnik. Sud je u toku izvještajnog perioda radio u sastavu predsjednik suda i četvero sudija. Shodno odredbama člana 16. Pravilnika o unutrašnjem sudskom poslovanju sud nema organizovane odjele, odnosno sudska odjeljenja po pravnim oblastima.

Pravilnikom o unutrašnjoj organizaciji i sistematizaciji radnih mjesta u Općinskom sudu u Banovićima, sistematizovano je 31 radno mjesto nesudskog osoblja od čega su 8 državnih službenika i 23 namještenika.

Od navedenog broja radnih mjesta, popunjeno je dvadeset dva i to: tri državna službenika i devetnaest namještenika.

Pokrenuta procedura za prijem jednog državnog službenika, za kojeg su obezbijedena finansijska sredstva (Šef ZK ureda)

Tokom 2023. godine u sudu je bilo odsustva sudija sa posla po osnovu bolovanja, a izraženija su bila odsustva nesudskog osoblja po istom osnovu.

Što se tiče materijalnog statusa suda u dosadašnjem radu obezbijedena su sredstva za nesmetano funkcionisanje suda, tako da sud nije zbog toga imao zastoja u radu, iako su te potrebe daleko veće radi čega se kontinuirano radi na obezbjeđenju što boljeg materijalnog statusa suda.

II. OSTVARENJE NORME I REZULTATI U POGLEDU BROJA RIJEŠENIH I NERIJEŠENIH PREDMETA U IZVJEŠTAJNOM PERIODU

Općinski suda u Banovićima je u izvještajnom periodu ostvario kolektivnu normu u procentu od **113,70%**. što je dobar uspjeh, posebno ako se uzmu u obzir poteškoće sa kojima se sud susretao u izvještajnom periodu, odsustva sudija i ostalog osoblja po osnovu bolovanja, nedovoljan broj ne sudskog osoblja, priliv predmeta, složenost predmeta, odgode ročišta iz objektivnih razloga, nedostupnost stranaka i sl.

Sud je uložio maksimalne napore kako bi ostvario navedeni procent prosječne godišnje norme, nastojeći da ostvari postavljeni cilj Programa rada tj. da riješi priliv predmeta u tekućoj godini, što je i uspio.

Podaci o prilivu, broju riješenih i neriješenih predmeta za izvještajni period, kao i podaci o prilivu, broju riješenih predmeta po referatima iz prethodne godine prikazani su u tabeli 1.

Tabela: 1


Referat	Broj neriješenih predmeta na dan 01.01.2022. godine	Broj primljenih predmeta u toku 2022. godine.	Broj riješenih predmeta u toku 2022. godine	Broj neriješenih predmeta na dan 31.12.2022. godine	Broj primljenih predmeta u toku 2023. godine.	Broj riješenih predmeta u toku 2023. godine	Broj neriješenih predmeta na dan 31.12.2023. godine
Krivični	79	256	258	77	279	285	71
Parnični	341	510	512	339	525	586	278
Prekršajni	836	892	1025	703	576	735	544
Izvršni	1401	1535	1863	1073	918	1487	504
Sudska uprava	0	21	21	0	11	11	0
Vanparnični	277	321	329	269	239	290	218
Ukupno	2934	3535	4008	2461	2548	3394	1615

Analizom podataka o protoku predmeta iz tabele 1, proizilazi da je u izvještajnom periodu došlo do smanjenja broja neriješenih predmeta na svim referatima, tako daje stopa rješavanja priliva predmeta 133%.

Smanjenju ukupnog broja neriješenih predmeta rezultat je ostvarene norme suda iznad propisane i manjeg priliva predmeta.

Međutim, ovdje se mora naglasiti da je sud, zahvaljujući ostvarenoj normi u prethodnim godinama znatno iznad propisane, uspijevao kontinuirano svake godine smanjivati broj neriješenih predmeta.

Na sledećem grafičkom prikazu predstavljen je trend smanjenja predmeta u ovom sudu u prethodnim godinama.



Grafički prikaz trenda pada broja neriješenih predmeta

III OSTVARENI KVALITET RADA U IZVJEŠTAJNOM PERIODU

Kvalitet rada sagledava se kroz broj donesenih odluka u kojima se može izjaviti pravni lijek, ožalbenih presuda, odnosno broj potvrđenih i ukinutih odluka. Ostvareni kvalitet rada u izvještajnom periodu procentualno izražen je 89,47%., a detaljni podaci o ostvarenom kvalitetu suda prikazan je u tabeli 2.

Tabela: 2

Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka nakon održane glavne rasprave ili pretresa pred drugostepenim sudom	Broj ukinutih odluka	Broj djelimično ukinutih odluka	Kvalitet sudskih odluka
1487	317	7	208	59	1	34	15	89,47%

Kvalitet sudskih odluka od 89,47% je zadovoljavajući imajući u vidu u činjenicu da sudije, zbog broja nosilaca pravosudnih funkcija, rade na više referata primjenjujući više procesnih Zakona, što utiče na kvalitet rada jednog sudije a time i suda. Pored toga zbog velikog priliva predmeta u prethodnim godinama sud je dosta radio i na kvantitetu, kako bi se spriječilo povećanje broja neriješenih predmeta, što pokazuje ostvarena kolektivna norma u prethodnim godinama.

IV OSTVARENI REZULTATI U RADU NA ZAOSTALIM - STARIM PREDMETIMA

Plan rješavanja predmeta za 2023. godinu sud je uspio realizovati u procentu od 93,01 %, s tim da je sud u izvještajnom periodu u kontinuitetu radio i po starim premetima koji nisu u Planu, odnosno po starosti inicijalnog akta i po starosti stvarnog početka predmeta. Sud je posmatrajući početak faze predmeta, na kraju izvještajnog perioda imao 33 nezavršena predmeta starija od jedne godine, ako izuzmemo komunalne predmete, predmete izvršenja prekršajnih sankcija, ostavinske predmete koje rješavaju notari kao povjerenici suda i predmete koji su u skladu sa Uputstvom za izradu plana rješavanja predmeta označeni kao nerješivi.

V TRAJANJE POSTUPKA

Prosječno trajanje postupka na svim referatima posmatrano u izvještajnom periodu od 01.01.2023. do 31.12.2023. godine iznosi 339 dana, a posmatrano po referatima prikazano je u sledećoj tabeli:

Prosječno trajanje postupka po referatima

Tabela 3.

Referat	Prosječno trajanje postupka (dana)
Krivični	102
Parnični	244
Prekršajni	493
Izvršni	342
Vanparnični	379
Ukupno	339

Prezentovani podaci pokazuju da se prosječna dužina trajanja svih završenih predmeta pred ovim sudom smanjuje iz godine u godinu.

U narednom tabelarnom pregledu predstavljen je pregled stanja dužine trajanja riješenih i neriješenih predmeta na dan 31.12.2023. godine, izuzimajući predmete izvršenja prekršajnih sankcija, predmete koji su zbog procesnih smetnji označeni kao nerješivi i ostavinske predmete koje rješavaju notari kao povjerenici suda.

Tabela 4.

Referat	Prosječno trajanje riješenih predmeta (dana)	Prosječno trajanje neriješenih predmeta (dana)
Krivični	101	164
Parnični	244	235
Prekršajni	103	86
Izvršni	274	168
Vanparnični	141	212
Ukupno	221	177

Prezentovani podaci u tabeli 5. pokazuju da je dužina trajanja riješenih predmeta veća u odnosu na dužinu trajanja neriješenih predmeta, što ukazuje da je sud prioritarno u rad uzimao najstarije predmete.

VI. OSTVARENI REZULTATI NA PREDMETIMA KORUPCIJE I ORGANIZIRANOG KRIMINALA

Ovaj sud je na početku izvještajnog perioda imao jedan neriješen predmet iz oblasti korupcije, u toku perioda primljena su četiri predmeta, pa je sud u radu imao ukupno pet predmeta iz oblasti korupcije.

Po navedenim predmetima se prioritarno postupalo što je polučilo rezultat da sud na kraju izvještajnog perioda nema neriješenih predmeta iz oblasti korupcije i organizovanog kriminala

VII ZAKLJUČNA ZAPAŽANJA O RADU SUDA

Analizom prezentovanih statističkih pokazatelja o radu ovog suda u toku izvještajnog perioda pri tome uzimajući u obzir i otežavajuće okolnosti sa kojima se sud susretao u toku perioda dolazi se do zaključka da je sud ostvario rezultate na nivou prethodnih godina, a to proizilazi iz sljedećeg:

- Sud je kao i prethodnih godina ostvario kolektivnu normu iznad propisane, koja za izvještajni period iznosi 113,70 %;
- Ostvareni kvalitet sudskih odluka od 89,47%, se zadržao na nivou iz prethodnih godina sa manjim odstupanjima;
- Realizacija Plana rješavanja predmeta u procentu od 93,01 %, je također na nivou iz prethodnih godina;
- Ostvario stopu rješavanja priliva u procentu od 133%;
- U izvještajnom periodu Ustavni sud BiH donio je jednu odluku u kojoj je utvrđena povreda prava na suđenje i donošenje odluke u razumnom roku pred ovim sudom;
- Zemljišno-knjižni ured ovog suda u toku 2023. godine riješio je ukupno 3748 predmeta, na kraju izvještajnog perioda ostalo neriješenih 3 predmeta

VII PLANIRANE MJERE ZA POBOLJŠANJE STANJA U SUDU

Analizom naprijed iznijetih podataka o radu Općinskog suda u Banovićima u toku 2023. godine i uzimajući u obzir ostvarene rezultate u prethodnim godinama proizilazi da je ovaj sud smanjio ukupan broj predmeta zahvaljujuću ostvarivanju kolektivne norme suda znatno iznad propisane.

Imenovanjem svih nosilaca pravosudnih funkcija utvrđenih Pravilnikom o unutrašnjoj organizaciji i sistematizaciji radnih mjesta bit će moguće rješavati predmete u razumnim rokovima, uz postojeći priliv predmeta.

U narednom period će se poduzimati aktivnosti na obezbjeđenju sredstva za popunu radnih mjesta predviđenih Pravilnikom o unutrašnjoj organizaciji i sistematizaciji radnih mjesta u pogledu nesudskog osoblja (državni službenici i namještenici), što je neophodan faktor za postizanje planiranih ciljeva u radu ovog suda. To posebno imajući u vidu prosječnu starosnu dob zaposlenih.

Predsjednik suda će i u budućem periodu redovno pratiti rad sudija i zaposlenih radi postizanja još boljih rezultata rada suda, a posebno u pravcu smanjenja trajanja postupka na svim referatima i rješavanju predmeta prema starosti inicijalnog akta.

Sud će i dalje raditi na poboljšanju materijalno tehničkih uslova rada, koji su trenutno na zadovoljavajućem nivou.

U narednom periodu planirano je u skladu sa finansijskim mogućnostima obaviti radove na proširenju i uređenju prostora za arhivu suda, izvršiti nabavku dodatne količine informatičke opreme jer je većina postojeće dotrajala, namještaja, hidrantske mreže, uređenje sigurnosnog područja(prostorije) sa potrebnom opremom shodno obavezama iz Zakona o zaštiti tajnih podataka (Službeni glasnik BiH, broj 54/05 i 12/09), koja sredstva su tražena od nadležnog Ministarstva pravosuđa i uprave Vlade Tuzlanskog kantona Budžetskim zahtjevom za 2024. godinu.

S poštovanjem!



PREDSEDNICA SUDA:
ENVERA KUKIĆ